

d'Bettschooner



Alli Tag stoht d'Zytig voll,
Dass es zuegoht grad wie toll,
Gegewärtig herrscht, o haje,
d'Kranket vo de Papagaie.

Au hie tuet si sich yneshlyche
Und unsri Grosse Reet versyche,
Doch hett e n-and're Name sie,
Me sait're nur der Pflutteri.

s'isch bigoscht elangs e Gruus,
Nit ass Fescht jonri, johruus,
Trotzdäm kame sich lo gfallle,
d'Fyr vo unsrer Gross-Märthalle.
Knoblech, Spargle, Bluemkehl-Stotze,
Hett me kenne dert biglotze,
z'Nacht zuem tanze, sowieso,
Isch denn s'richtig Gmies erscht ko.

Kirzlig tritt mit Härz und Hand,
E Liebespaar in Ehestand,
Und im Schlappe die zwai Naare
Kemme druff dr Rhy ab z'fahre.
Doch um sich no meh z'blamiere,
Tien e Tambour si mitfliehre,
Dä, wo-n-är sich fescht hett gfuesst,
Gmuetlig ain hett abegruesst

Unsri Tram- und Auto-Frog,
Wird elangs die rainschti Plog,
Nächstens sott, um Platz z'erspare,
s'Trämlig untrem Birsig fahre.
s'Zytigs-Anni wird sich fraie,
Wenn's dert unte d'no ka schraie:
„Gäll verdeggel, das isch glatt,
E-n- rterirdisch Morgeblatt.“

d'Damewält die macht, persée,
Furtschritt immer meh und meh,
s'zarti G'schlächt kasch nimmi sage,
Siddäm sie dien Stiefel trage.
Und der Alt, statt ummez'gaffe,
s'Fidle voll kriegt er jetz z'schaffe,
z'erscht der Frau me d'Stiefel putzt,
Nohär wird der Motsch no gschutzt.

Went e „Ländi“ musiziert,
Im Verain no d'Kasse flehrt,
Denn slaus allerhand fir Dinger,
Wenn-em z'lang no wärde d'Finger.
Wäge däne Kassegchichte,
Muess er jetz uff d'Miff verzichte,
s'gheerti gwis där dumme Kueh
Au der no voll derzue.

s'dänggt gwis hitt no mänge dra,
Dass mer hänn e Klopfgaischt gha,
Kuom hett dä jetz kehrt der Ruggle,
Tuet e neie Gaischt scho schpugge.
Ohni Klaidler, ohni Hose
Rennet das „Gschpängst“ dur unsri Strosse,
Alegt isch es gal, o Schrägg,
Wie dor rassiget Revue-Schnägg.

s'griegt e-n-Arzt, und das nit mys,
Sähnsucht no-n-em, Paradys,
Er uno no-n-e Wyberfidle
Tien drum uff e-r-Insle siedle.
Mit där durebrennte Schachtle,
Tuet er Rohkoscht dert jetz schpachtle,
Wird vo däm er nonig satt
Frisst er halt no s'Fygeblatt.

Schlussobe vo de Comité-Schnitzelbänk
Sunntag der 16. März r'obe am siebeni
im Musigssaal
Kemmet Alli, sisch immer sauglunge.